



ՀԱՅԱՍՏԱՆԻ
ԴԱՐԱՆԱԿԱՆ
ԳՐԱԴԱՐԱՆ

593984

KAT. KOMP.

Мог. Ст. Дн.

II

Niniejszy exemplarz stanowi niezdygi pismo porządkowe
 w bibliotece Q.V.9, składającym się z następujących pozycji:
 1) Levinus Hulsius, Tractatus primus instrumentorum
 mathematicorum, Francof. 1605; 2) Dito, Tractatus tertius ---,
 Francof. 1605; 3) Jo. Kepler, Ad epistolam Jac. Bartholaei de
 Sagani 1629; 4) Jo. Kepler, Adversus ad astronomicos, Trif. 1630;
 5) Jo. Kepler, R. P. Jo. Terrentii Epistolium, Sagani 1630;
 6) Josef Salomo del Medigo ספר קלין A-stedam 1629.
 Kłosek ten, podzielony dziś na części, był własnością
 Jan Brzika.

M.Hes. 882

" 883

" 939

" 940

" 1918

18676111



Mathesis 1918

Q.V.9 b

102. 882


883

539

940

1918

376111



1747
R. P. IOANNIS TERRENTII
è Societate JESV

EPISTOLIVM
EX REGNO SINA-
RVM AD MATHE-
MATICOS EVRO-

PÆOS MISSVM:

Cum Commentatiuncula
JOANNIS KEPLERI
Mathematici.

Ejusdem ex Ephemeride Anni M. DC. XXX,

DE INSIGNI DEFECTV SOLIS,
Apotelesmata Calculi Rudolphini.



Cum privilegio Cæsareo ad annos XV.

SAGANI SILESIAE,

Excuderunt Petrus Cobius & Iohannes VViske.

ANNO M. DC. XXX.

Mathes. 19/8.

R. PIOANNIS TERRENTII
Societate Jesu

EPISTOLIVM
EX REGNO SINA.

RVM AD MATHE
MATICOS EVRO.

R. F. O. S. MISSVM.
Cum Commentariis
IOANNIS KEPLERI
Mathematici.

Epistola ex Epistolis anni M. DC. XXX.

DE INSIGNI
Societatis Jesu.



Cum privilegio Censurae ad annos 2.

593984
SAGANI SILENSIS.

Excusavit Petrus Coburnus Johanne V. 1648.

Anno M. DC. XXX.

1648.



Illustrissimo Principi & Domino,

D. ALBERTO, Duci ME-
GAPOLITANO, FRIDLANDIÆ, &
SAGANI; Principi VANDALO-
RVM; Comiti SVERINI; Domi-
no Terrarum ROSTOCHII
& STARGARDIÆ, &c.

Imp. Cæs. FERDINANDI II.

Exercituum Ductori supremo, Oceaniq;
& Baltis Præfecto Generali,

*Domino meo Clementissimo, Patrono munifi-
centissimo S.*

ETSI TV QVIDEM, DVX
Inclyte, in patrocinio meorum stu-
diorum, quod ex volūtate MONAR-
CHÆ Domini mei in Te suscepisti,

DEDICATIO.

consuetam per omnia tua negocia constan-
tiam vsurpasti haecenus, nec quicquam Tua
me sunt morata promissa: Typographo-
rum tamen nullus cum prælo proprio, Saga-
num vt transiret, induci potuit. Itaque Ego,
vt Ephemeridum expectationi satisfacerem,
huius & aliorum duorum annorum Epheme-
ridas Francofurtum ad Moenum præmisi; si
fortè in loco prælis instructissimo, opus hoc,
absente etiam authore, ad lucem videndam
maturari posset. Postquam Octobri tandem
mense operæ mihi Pragâ submissæ, resq; Ty-
pographica ad meam ipsius curâ recidit: oc-
cupatis nobis in prælo è longinquo asportan-
do, cæterisque instruendis, supervenere Ca-
lendæ: & adhuc Ephemeris anni jam incun-
tis, Francofurto revertens, hæret in itinere.
Quid agerem, circumventus hinc spacijs loco-
rum, inde angustia temporis? Quam strenam
Alberto Duci, ex vrbe sua Sagano, mitterem
Calendis? Quod initium operarum facerem,
congruum professioni, honorificum loco,
dignum tanto Patrono, auspiciatum inceptis
tam arduis? Nimirum consilium, quod à meâ
non

DEDICATIO.

non potuit, à Tuâ, Dux splendidissime, fortunâ sumptum est. Tuâ fortitudine in periculis, fide in Monarcham; constantiâ in susceptis laboribus; peperisti Tibi locum inter Principes; ditiones acquisivisti per Bohemiam, per Silesiam, ad mare Balthicum, amplissimas: tutela littorum, Oceani præfectura, à Cæsare Tibi est commendata. Ex opportuno petitâ Mathematicis Europæis, extremus Asiæ limes, Regnum S I N A R U M, petunt Mathematici à me, hoc est, modò ex vrbe Tuâ S A G A N O, consilium formandis Orientis temporibus, responsum ad literas Sinenses, plura ejus exemplaria, distinctis classibus mittenda. Tu responsis meis novo beneficio, de novissimis fortunarū tuarum accessionibus, & locum edendis fecisti, & lucem, ex novo loci prælo dedisti: idem eisdem editis viam ad Oceanum, per Tuæ præfecturæ territorium aperuisti: & à littoribus Germaniæ ad littus Eorum Indiæ, planum est iter, conflua maria. Tua vox est: Non minori virtute retineri opima, quàm quæri. Oceanum aperuere Tibi bella: pax vsum ejus præstare erit apta. Ad illa,

DEDICATIO.

Tibi erant necessarij labores Herculei, severitas inexorabilis, animi magnitudo, vel Saturni meatuum æmula: ad hanc pervenire poteris, superfuso squaloribus illis imbre grato Jovialis, proximâ magnitudine, fideris justitiâ, inquam, æquitate, amicitia, foederibus, clementiâ. In via virtuti Tuæ nulla fuit hætenus, quantum libet, incredibilis via. Quid ni etiam de reliquo sperem, Te his artibus, hoc pacis studio, facile obtenturum: vt tempus perferendo ad Sinas responso meo necessarium, quod Terrentius æstimat triennio, quodque navigante ejus Epistolâ, in quartum annû excurrit, Cæsari missis, in biennium; vt hoc, inquam, tempus vel anno terminetur. Centum exemplarium, quæ centenis vehantur navibus, vel ex vno, quod primum pervenerit, legat Terrentius, (audiantq; SINÆ,) quæ ipse ex Europa discedens, è regni Bohemiæ procerum Waldsteniorum nobilissima familia vnum, Cæsari militantem audivit; illum minus quàm 10. annorum spacio, Ferdinando II. Imp. Augusto tot victoriarum administrum virtute fideq; factum, tot à justissimo laborum remu-

DEDICATIO.

remuneratore præmijs mactum, fructum eorum gloriosissimum hunc existimare, si Patronus audiat nostrarum artium:illum, commectionis hujus nostræ literariæ terminū vtrumq; vno quodammodò complexum imperio, literas Sagani, vrbe Ducatus sui, typis expressas, à littoribus præfecturæ suæ dimissas, Æolis suis, Neptunum novum, perferendas, successu foelici commendasse. Ita voveo, rebusq; voto idoneis conficiendis, Ill^{ma} Cⁱ T^r commodissimum & foelicissimum annum incuntem apprecor

Ill^{ma} Cⁱ T^r

Cliens devotus

JOAN. KEPLERVS.

DE

DEDICATIO.

igitur & scilicet in apud inueniunt
 to idcirco conueniendis, Illi C. T. commo-
 solici commendasse. Ita uero, scilicet uo-
 lunt, Neptunum novum, perferendas, incesu
 a. Interdus preteritur, sue dimissas, & solis
 terras sagani, uide Ducatus sui, typis expressas,
 vno quodammodo complexum imperio, il-
 lons huius nostre licetate terminum verumque
 nus audiat nostram ariam illam, commo-
 rum gloriosissimum hanc existimare, si Patro-
 teminatore patris inactum, inactum co-

1035709E

M. C. T.

Client's device

John. K. T. L. B. R. C.

DE

DESCRIPTVM EPISTOLÆ EX SINA-
rum Regno missa.

RR. PP. Mathematicis Ingolstadiensibus

PAX CHRISTI.

Meditantur Sinae Calendarii sui Emendationem; in quo primum punctum est; Eclipsium prædictio. et processio Aequinoctiorum. Hac in re non parū RR. VV. hanc missionem iuvare possunt, si mittant, in tali saltem chartula, si plura scribere molestū sit, si quid novi habeant, præter ea, quæ sunt in supplemento Magini; præsertim in Diametris Luminarium, distantijs a Terra, quando sunt in Apogæo, Perigæo, et reliquis ad computum Eclipsium necessarijs. Forte etiam extabit aliqua nova Hypothesis Lunæ. Non dubito, dum nos absumus, aliqua prodijisse, v.g. Keppleri Hipparchū, Galilæi aliqua. Eos libros expectare nimis longum est, facillime detinentur, aut pereunt, quod non mittantur pluribus vijs: charta facilius et citius huc pertingit, nimirum intra tres annos. Post biennium absoluto meo cursu Grammaticæ Sinenfis, dabitur comoditas et sciendi, et scribendi plura. Nunc pauca tamē indicabo. A Yao primo Rege famoso incipiunt suas historias Sinae, easque certas esse aiunt: quamvis a Fochi vsque ad Yao numerent sex Reges, tamē historiae plena fabulis; et temporū nulla certa indicia. Numerant porro a Yao ad hæc tempora fere quatuor millia annorum, procedendo per Cyclū 60, sicut nos per 15 vel 28. Eo tempore observarunt solstitium prope cuspidem Sagittarij, non memini gradus: ita ut iam hucusque processerit ultra 52 gradus. Congruit multum cum Tychonicis, Paulo post tempora Yao, notatur insignis Eclipsis, quæ dicitur contigisse in secundo gradu Scorpij. Annum dant nescio an et hora, et magnitudo sciat. Res differenda est, donec Pekini cum Mathematicis Regijs agant. Habent Arithmetica similem nostram, et fractiones in quantitate anni circa tempora Yao diligenter adhibuerunt. Habent etiam quædam problemata Geometrica; nuper vidi 15, quæ superant 3000 annos. In ijs primum est, penultima primi. Zodiacū dividunt in 28 constellationes. Cor Scorpij vocant cor Draconis, caudam Scorpij vocant caudam Draconis, Caniculam vocant Lupum, Capricornum vocant Bovem, Stellam posteriorem Vrsæ Minoris vocant Regem, quia olim erat prope polum immobilis, quam reliquæ omnes venerabantur. Ante paucos dies accepi librum, ubi totus calculus Eclipsium continetur. Nondum transcriptus est: postquam illū studuero, et intellexero, Europæ libenter communicabo. In suo computo non errant ultra 2 aut 3 quadrantes, quod mirum, in 4000 annis non plus variasse. Ex Changtseu Anno M.DC.XXIII.

RR. VV. Servus in Christo

JOAN. TERRENTIUS.

B

IN



In R. P. Terrentij Epistolium

ad Mathematicos Ingolstadienses missum
ex vrbe Sinarum Changtscheu

Anno M. DC. XXIII,

Dillingā transmissum Ulmam à R. P. Alb.

Curtio, Anno M. DC. XXVII,

JOANNIS KEPLERI COMMENTA-
TIVNCULA.

Meditantur Sinæ Calendarij sui emenda-
tionem; in quo primarium punctum est, Eclipsū
prædictio, et processio æquinoctiorum.] Primum
nota, quod author scribat, Processio, non lapsu graphico, sed quia
lapsus memoriâ, pro eo, quod Fixæ apud Ptolemaum ab æquino-
ctiis progrediuntur, ipse opinatur, æquinoctia sub Fixis progredi,
et sequentia testantur. Secundò nota, quod inepta sint Calen-
daria vsualia ad Eclipses & æquinoctia verissima, & cælo conso-
na, diebus certis vsualis Calendarij alliganda, sic ut hæc phæno-
mena post Cyclos annorum tolerabiles iisdem anni diebus rever-
tantur. Ex hoc sequitur tertio, Sinē sibus idem esse, Calendarium,
& Tabulas motuum Solis & Lune. Videntur igitur Sinæ nul-
lum certum & statum, & perpetuò uniformem Typum anni ha-
bere posse: si festa sua accommodant ad ipsissima æquinoctia, adq̃
Ec-

COMMENTATIUNCULA.

Eclipses ipsissimas Solis & Luna. Quarto: quod si Sinenſes v-
tantur Tabulis aſtronicis loco Calendarij, queritur cujusmodi,
aut cujus authoris Tabulis uſi ſint haecenus? Ante annos plus mi-
nus 14. legi itinerarium cujuſdam religioſi per Tartariam & re-
gnum Mongul (ſi benè recolligo nomen) in Cathayā, vel, ut ipſe
conjecit, Sinas ipſos. Author is tradit, duo eſſe tribunalia prae-
cipua Aſtronomorum per Sinas, penes quos tanquam Sacerdotes,
ſit poteſtas indicendi feſta: & majorem eſſe illius tribunalis au-
thoritatem, ex quo certiores habeantur praedictiones Eclipſum.
Author exiſtimat, alteros uti doctrinā Hipparchi. Sed duo alia
opera tabularum occurrunt, de quibus monendus eſſe videtur P.
Terrentius, ut inquirat, an eorum aliqua ſint apud Sinas indicia.
Prius eſt, computus Turcarum, ſecundum annos Hegirae, de quo
Scaliger & alij. Sarraceni frequentibus navigationibus, totum
orientem repleverunt iſtitutis & inventionibus ſuis. Annus
ipſorum eſt ſolatus legibus reverſionis aequinoctiorum: Lunatio-
nes 12, ſeu dies 354. aut 355. definiunt ipſis annum Arabicum
perpetuū: Methodum anni tradidi in Rudolphinis, Tab. f. 37.
38. 39. 40. Eclipses tamen ex ea praedici non poſſunt.

Alterum opus eſt tabularum Perſicarum, quae utuntur an-
nis Jeſdagirdis, de quibus Scaliger, & Chriſtmannus. Videntur
ſuiſſe tantummodo motuum Solis & Luna, & ſic Eclipſum: Et
ni fallor, has tranſcripſit Arzachel; ut tandem earum doctrina
tranſumpta ſit in Tabulas Alphonsinas; ut quae meminerunt etiā
Perſicae menſium ordinationis; cum hoc discrimine, quod Perſicae
illae, quinqueduum illud Aegyptiacum, Muſteraka dictum, adje-
cerunt ad finem ultimi menſis Aſphandar; Alphonsinae ad finem
menſis Aben. De quo discrimine, ceterisq; hūc ſpectantibus, ago in
tractatu Chronologico, de aris, in Tabulas Rudolphi inſerſis.

Cum igitur Regnum Perſarum excurrat. ad Indos, ſintq;

IN R. P. TERRENTII EPISTOLIS

Sine India contermini: perpendendum est; num hac Persicarum Tabularum doctrina penetraverit ad illa Sinarum Tribunalia.

13 Quinto, si P. Terrentius desiderat computum aquinoctiorum mediorum) nam inequalitas eorum incerta est, num sit, & quantitas sit, si est) facile ei succurritur ex Tabb. Rud. fol. 102. sub Titulo Anni Tropici: ubi è regione 50. Sexagenarum annorum, inveniuntur dies 5^{...} 4^{...} 22^{...} 7. 0. 0. id est, dies 1095727. exacti, in annis Tropiciis quinquagies sexaginta, id est, 3000. Et cum anni 3000. simplices Egyptiaci habeant dies 1095000; patet, quod residue 727. particule ter millesima, multiplicanda sint in annos, ut quoties factus, abjectis omnibus 3000. aequat. 1500, aut quoties superat, excessu minori, quam 727: toties unus insuper dies intercaletur.

Vel si Sine non sunt alligati ad certam sedem, diei intercalarij in Calendario suo, ut nos ad 24. Februarij: licebit igitur ipsis post dies 1506. inserere diem, & interdum post 1507. dies. Cum enim sint intercalationes 727: si ea distribuatur in 54. classes, singulas 16 intercalationum, residua appendice 7 intercalationu: semper jam in 5ta, 10ma, 16ta intercalatione transfiliamus dies 1507: hoc pacto quam proximè idem obtinebitur, manente observatione Cycli tam longi, quod efficeret usus perpetuus scrupulorum 727. ter millesimorum, sine computantis intentione in Cyclum, more Judaico.

Vel populariùs: Intercaletur post quatuor annos & unam octavam partem anni: sic enim in annis 2998² intercalarentur dies 727. & transibunt residui 1² sine censu, tanquam complementum Cycli. Pro eo enim, quod post ultimum diem anni 3000. esset intercalandum ultimò, intercalaretur anno 2998. medio Novembris.

Sexto, pro longitudine mensis naturalis, & lunaris, nota ex Tabb.

COMMENTATIUNCULA.

Tabb. Rud. f. 89. quod anni Juliani 3400. æquent præcisè Lunationes 42053. ita ut differentia non sit major unico minuto Horæ. Anni verò Juliani 3400. dies habent 1241850: quibus divisus in numerum Lunationum 42053. quotiens seu longitudo mensis naturalis prodit D. 29 $\frac{22313}{42053}$

Sunt ergò scrupula diei 22313. multiplicanda in numerum lunationum; & quoties à multiplicato, abjectis omnibus integris 42035, residuum æquat. 21027, vel superat; toties dies 30 in mense faciendi. Verbi causa, semel 22313. superat. 21027. ergò primus mensis habet dies 30. Bis 22313. sunt 44626. abjectis 42053. restant 2573. minus quàm 21027. Ergò secundus mensis habet dies 29. Pro tertio adde 2573. & 22313. summa 24886. superat. 21027. Ergò tertius habet 30. dies, & sic consequenter.

Hæc ratio constituendi seriem mensum plenorum & cævorum, Judæis familiaris, nescio quàm sit accepta futura Sinenfibus, quàmquã consentanea ipsorum consuetudini in disponendis anni mensibus & diebus. Subjungam igitur etiam modos alios.

Geminus Astronomus ex proximo sæculo ante Christum, tribuit Calippo modum paulò alium: cujus hoc est ingenium, ut omnes omninò menses, tam ordinarij duodecim, quàm intercalarij, censeantur dierum tricenis: quemadmodum quidem apud Græcos, omnes desinebāt in τριεννια. Deindè verò omnibus totius Cycli diebus in Abaco descriptis, certius eorum numerus rursus est delendus, servatà æqualitate distantia delendorum, quantum fieri potest. Ut quia in nostro Cyclo sunt menses 42053. si omnes fiant tricenarij; dierum summa creabitur 1261590. Subtracta verò hinc verà summa dierum totius Cycli, sc. 1242850. restabunt 19740. iterum delendi. Summa hæc divisa communi maximo divisore 30. quotientes habent 47395. 658. Ita dispesceretur Cyclos

IN R. P. TERRENTII EPISTOLARUM

totus in partes 30. inter se similes, quoad dierum numerum: singula enim essent dierum 41395. de quibus 658. essent deletæ. Quod si deleteretur semper sexagesima tertia; caderent tantum 657. At si decies deleatur sexagesima tertia, & undecimâ vice sexagesima secunda, idq; 59ies repetatur, tandemq; novê ultimis vicibus tantum sexagesima tertia; ita tandem cadent debita 658. Et potest hæc expunctio fieri ordinatior, si novem vicibus non post decies, sed post undecies deletam 63. am, deleatur 62. da.

Hi duo modi non sunt populares; regunturq; à solo calculo. Nam in primo nullus est ordo Mensium plenorum & cavorum, sed permutantur vices; ut qui aliquandiu pleni fuerant, exinde æqualiter tempore sint cavi, & vicissim. In secundo omnes promiscuè dies totius anni subeunt fortunam exemptionis, quoties illos ordo tangit: tangit autem illos sine discrimine annorum simplicium vel Embolisimalium, Mensium ordinariorum vel intercalariorum.

Addam igitur tertiam modum, qui magis retinet morem Cyclorum. In annis Juliana quantitatis 3400. insunt Cycli Decemnovennales 179. unico anno minus. Ergo etiam proprietas Cycli huius, quantum fieri potest, observetur. Sint Menses alternis Pleni & Cavi; intercalentur in annis 19. menses septem, scil. in tertio, sexto, octavo, undecimo, quartodecimo, sedecimo, decimo nono: idq; tamdiu, quoad series Cycli est rumpenda, quod aliquoties in uno Cyclo magno faciendum est. Menses intercalarij sint omnes pleni, ut apud Metonem; Anni autem Embolisimaliæ omnes sint æqualiter dierum 384. anni verò communes, communiter quidem censeantur dierum 354. Hoc modo annos simplices habebimus 2147: qui in 354. dies ducti, creant summam dierum 760038. Embolisimalium verò annorum erunt 1254: qui in 384. dies ducti, summam faciunt 481152. & summa in unam conflata faciunt

faciunt 1241190. Habent verò anni 3400. summā 1241850. Itaq;
deerunt dies 660. Eos infindemus in annis simplicibus; propterea,
quòd ij incedunt diminuti, habentes summam dierum 354. singuli
minorem justo; non infindemus in Embolismalibus: habent enim
ij summam 384. maiorem 13 Mensibus naturalibus. Cum igitur
sint anni simplices 2137: si in 13 simplicib. suo proprio ordine nu-
meratis annis, addam dies 4. scil. in 3. 6. 9. 13: ubi hoc factum fuerit
16 sies, tunc in simplicibus 2145. accedent 660. nec cur à dignum
erit, quòd supersunt duo anni simplices; qui cum ineuntis novæ
periodi primis tribus simplicibus, faciunt 5 quibus continuis (mo-
re insolito) nihil additur, præterquam in ultimo. Facile enim &
hoc emendaretur, si duabus vicibus, pro 13, sumerentur anni 14.
sc. annis 4. 3. 3. 4. tunc 3. 3. 3. 4. aliquoties, tunc aliquoties 3. 3. 4. 3.
& rursum aliquoties 3. 4. 3. 3. & totidem vicibus 4. 3. 3. 3.

Vel, quia tediosum est, simplices annos suo proprio ordine
numerare, præteritis Embolismalibus: distribuantur igitur hi
dies 660. in Cyclis decemnovennales 179. sic ut semper in 16 Cy-
clis infindantur dies 59. Hoc enim si feceris undecies; infindes
649. in Cyclis 176: in residuis ergò tribus, infindes dies 11. in ulti-
mo sc. annorum tantum 18. solos tres. Anni Cyclorum, recipientes
diem, sunt 5. 10. 13. 18. sed 13m^{us} annus in omni repetitione Cy-
clorum sedecim, in Cyclis 3. 6. 9. 12. 15. prætereatur. Mensis anni
sit sextus, cavus, qui tunc fiet plenus: ut sic dies isti, medij ca-
dant inter duos Embolismos mensis.

In hoc enim modo tertio carverì non potest, si maneat, distin-
ctio certorum mensium in ordine plenorum & cavorum; quin in
660. annis simplicibus, toties tres ordine pleni se invicem inse-
quantur, duo menses ordinarij, & unus intermedius, aliàs cavus,
tunc extra ordinem & ipse, suscepto intercalario die, plenus factus.

Horum igitur modorum similis aliquis erit fortasse Sinensibus
gratus & acceptus ad instaurandum Anni sui Typum.

IN R. P. TERRENTII EPISTOLIVM

Ut verò Lunationes nec pauciores, nec plures in unamquamq. summam annorum tropicorum civilis observationis referatur, quàm par est; & ut sciatur, quis annus lunaris sit simplex, quis Embolismalis: fieri aliter non potest, quàm si duo isti compati, prior anni Tropici, posterior anni Lunaris, juxta invicem incédant, summam dierum in quolibet numero annorum colligentes: Ut quoties additio lunaris anni simplicis 354. dierum, summam dierum statuerit, quindecim vel pluribus diebus minorem, quàm erit summa dierum in Tropiciis annis totidem toties enatus sit unus Embolismus 30 dierum, addendorum reliquæ summæ.

Septimò si verò computanda est Eclipsis Lunæ: hic Cyclos nullus potest excogitari Eclipsium, qui simul etiam annum Tropicum complectatur. Nam et si motus latitudinis Lunæ ab alterutro nodorum in ducentis viginti tribus suis Revolutionibus, revertitur ferè ad eundem diem Mensis Lunaris: at retrogreditur interim Nodus Lunæ in alia signa, progreditur Apogæum Lunæ, nec exactum planè numerum Mensium continet hoc tempus Revolutionum latitudinis.

Probentur ista. 223. integræ Revolutiones latitudinis, sunt quater tot quartæ, puta 892. id est 14. 52. quartæ: quæ Tab. fol. 100. excerpunt dies.

		1. 35. 14. 34.	0
		5. 53. 45. 32	
	Summa	1. 41. 8. 19. 32"	
Sed ex Tab. Ryd. f. 88. excerpimus per	1—	0. 13. 13. 45. 39. 32". 40"	
	41—	9. 2. 24. 12. 1. 19.	
	8—	1. 45. 50. 5. 16.	
	19—	4. 11. 21. 28.	
	32—	7. 3. 20.	
	Summa Graduum	0. 22. 18. 0. 0. 4". 3"	Ecce tempus boni
	Quia sunt circuli absoluti.		
	Rursum si dentur dies	1. 41. 8. 19. 32"	
	Tunc fol. Tab. 100.	1. 35. 58. 27. 56.	dat quartas Lunariorum 13.
		5. 9. 51. 36.	
	Et	5. 2. 41. 19.	dat quartas 41.
	At	5. 10. 4. 16.	dat quartas 42.
			Quando

COMMENTARIUS NCVLA.

Quando ergò præterierunt Revolutiones Latitudinis 223. tunc exacta sunt lunationes non planè 205½. Et in duplo numero, lunationū 411. sunt revolutiones latitudinis paulo plus 446. Sed post Lunationes 408, Sol invenitur fere in loco initialis; ergò post 411. invenitur quadrante fere ultra initialem. Ita expectanda sunt Lunationes 1644. & Revolutiones latitudinis 1784. donec ordo Eclipsium revertatur in pristina Zodiaci vestigia; nec tamè id exactè. Est enim tempus una lunatione brevius septem Cyclis Metonicis, seu 133. annis. Itaq. si fuit Eclipsis in ♀, post annos 133. similis contingit in ♀; si tamè Motus Anomalie nihil impediat.

Rursū enim si dentur dies 1.41. 8.19.32.

Tunc Tab. f. 94. 1.36.26.127.32. dant quartas Anom. 14.

4.41.52.0.

Et 4.42.26.3. dant quartas Anom. 41.

Quando ergò præterierunt Revolutiones Latitudinis 223. tunc exacta sunt Revolutiones Anomalie non planè 220½. Et per quadruplicationem, illis 892. respondent istæ 881. fere; & deniq. illis 1784. & Lunationibus 1644. respondent anomalia 1762.

Differentiam temporariam probabimus ex dictis foliis Tab.

1784. & 29.44.	1644. & 27.24.	1762. & 29.22.
" " " "	" " " "	" " " "
29-3.17.17.18.59.24	27-3.19.19.53.23.40	29-3.19.46.14.11.28
44-4.59.20.3.59	24-2.57.11.0.48.22	2.31.33.0.25

3.22.16.39. 3.23 3.22.17. 4.24.28 3.22.17.47.11.53

Latitudo restituitur prima, Lunatio post scr. 25 unius diei, Anomalia post alia 43 diei.

Hæc periodus Ecliptica 133. annorum, periodus dici non meretur. Cum enim 25 scrupulis diei, id est, horis 10 tardius revertatur Luna ad Solem, quàm ad nodum: gradus respondebunt ad 5. intra quos latitudo valdè alteratur, & loco totalis Eclipsis, partialis reverti potest loco partialis, Eclipsis sæpè nulla.

Cum ergò brevior Cyclus Eclipsium sit nullus, longior etiam, sit inutilis ad tempora politica: restat, ut Sinenses Tabulis utan-

IN R. P. TERRENTII EPISTOLIVM

sur motuum Solis & Luna quibuscung, easq, emendare nitantur. Hac ad principium Epistola. Sequitur jam in ea.

Hac in re non parum hanc missionem iuvare possunt, si mittat, si quid novi habeant: præter ea, quæ sunt in supplemento Magini] In hoc Magini libro sunt Tabule motuum Solis & Luna, ex Tycho Brahe Progymnasmatum Tomo I. Ex ut plurimum invariata transumpta sunt in Tabb. Rudolphi; quantum ad Epochas presentis temporis. Observationes verò vetustissima paulò diligentius à me sunt accommodata. Itaq, satisfactū iri puto, desiderio scriptoris, si mittatur pars tertia Tabb. Rud. puta, duernio M, & principium duernionis N.

Præsertim in Diametris luminarium] Apparet scriptorem malè concoquere, quòd Tycho Brahe diametrum Lune in Novilunijs exhibet minorem, quàm in plenilunijs: præsertim, cū Maginus ex Appendice progymnasmatum adduxerit aliqua, quibus dubia efficitur hac diversitas. Habebit ergò Tabb. fol. 98. Diametrum Lune constantem.

Distantiis a Terra] Pro distantijs sunt Parallaxes, in Tabella eadem.

Et reliquis ad computum Eclipsium necessariis] Rectè monet. Sunt etiam præcepta necessaria; præsertim Cap. XXXI. Prac. fol. 99. & seq. Præcepta à 145. ad 153.

Fortè etiam extabit nova aliqua Hypothesis Lunæ] Offensus multiplicibus Tychoonis Epicyclis, optat. hypotheses simpliciores. Habet ergò in Tabb. Eccentricum simplicissimū, planè similem Eccentricis cæterorum; docere poterit suos Sineses, Eccentricos hosce (est in Luna nihil interest, præsertim ad Eclipses, quàm sint ij perfecti) tamen firerum naturam spectemus, non esse perfectos, sed degenerare in viam Ellipticam, in proportionem hac, ut Eccentricitas, usurpata ut sinus, ostendat arcum, cuius arcus sagitta, sit modulus ingressus Planeta in longitudine media à

circuli perfectione versus centrum: ut quia Eccentricitas in Luna est 4362. huius ut sinus arcus est 2.30'. Complementum 87.30'. huius sinus 99905. Ergo residuum huius ad sinum totum 100000. scilicet 95. est sagitta arcus 2.30'. Et tantula est latitudo Menisci, qui per veram viam Luna à pfecto Eccentrico rescinditur.

Quod si etiam scire aveant Sinenses, quid causæ sit, cur Luna Eccentricum suum perfectum, quem insistit in omni suo situ Apogæo vel Perigæo, deserat in sitibus reliquis intermediis: docere poterit ipsos P. Terrentius ex Commentarijs meis Martis, ex q. Ep. Astr. Copernicana: nullos esse circulos in intentione motoris celestis; sed fieri necessitate materiali, hoc est, geometrica; ut ex concursu duarum causarum moventium, quarum altera ab occasu in ortum in Gyrum rapit, altera rectis lineis Lunam versus terram & à terrâ librat, fiat via Elliptica. Harum causarum prima inest in specie immateriata telluris. [Loquar autem ex suppositione Terræ quiescentis in primo motu. Clariora essent omnia futura, si motum, quem dicimus primum, Terræ nunc vellem adscribere, quiescente mundo reliquo.] Nam quia per revolutionem primi mobilis diurnam, fit aliqua à Terræ superficie separatio totius mundi reliqui, vel ab egrediēte specie immateriata Telluris: Luna verò non est innexa clavis in mundo, sed natat in eo, quasi libera: fit jam, ut illa adhærescat ad Telluris speciem quādamtenus. Vellet enim inertiam suā ad motum proprium, quiescere in illo suo nido, quem habet in mundo, ei q. sese totam permittere rapiendam. Ita fieret, ut primo mobili circumēnte, ipsa fixis iisdem substans immobiliter, perfectissimum circulum æquatori parallelum ab ortu in occasum scribere censeretur circa Terram. Vellet hoc, inquam, Luna, obsecundans suæ inertie ad eripiendam se motui primo per motum proprium: sed quia irretitur vinculis quasi magneticis telluris, seu speciei telluris, egredientis usq. ad se (cujus speciei egressus argu-

IN R. P. TERRENTII EPISTOLIVM

mentum est etiam in tractu aquarum, unde fluxus & refluxus maris) ideo fit, ut inertia ejus, seu potius vis illa totius mundi retinens illam, superetur à vi telluris ex portione tricesimâ. Hac causa est, quò minus Luna motum primi mobilis exactè insequatur in occasum, sed restitet & relinquatur, diem tricesimâ parte in orientalem plagam. Et hac relictio, speciem induit alicujus motus ab occasu in ortum sub Zodiaco. Porro hic motus esset iterum circulus perfectissimus, si non accederet causa secunda, faciens Lunam aliter atq. aliter à Terrâ distare. Hac causa secunda inest in ipsâ Lunâ, in fibris nimirum magneticis rectilineis corporis Lunaris, quæ altero termino petunt terram, altero fugiunt à terrâ; dum interim axis iste fibrarum in situ sibi ipse parallelo, circa terram, mēstruo paulò minus spacio, circumfertur, alternis nunc hoc, nunc illud extremum obvertēs Terræ. Ex hac inquam mixtione duorum motuum, enascitur via Elliptica, quod methodo legitima geometrica demonstrari potest. Et ob hanc causam in Tab. Rudolphi titulo ex arc, ad latus dextrum Geometria, appositæ est Magnetica.

Si amplius docendū sint Sinæ, quare æquatio maxima Lunæ fiat Gr. 5.01. cum Eccētricitas 4362. det tantum dimidium 2.301; poterunt ad alterum, è dextris, Idolum, Stathmica scil. ablegari. Luna enim in altissimum à Terrâ locum enavigans, imbecillius præsaturni à specie Telluris, & minori effecturetinetur; eoque diutius moratur in aliquo gradu sui menstrui circuitus, quam se proximè terram perigæa steterit. Et cum hoc pacto mora Lunæ in partibus aequalibus circuitus, sint in proportionē distantiarum, Luna: demonstratur rursus viâ Geometricâ, Summam distantiarum inesse in areis triangulorum, quæ formantur in plano Eccētrici, super lineâ Eccētricitatis Lunæ. Ut ita calculus sit instructus geometricis Schematibus, seu circulis perfectissimis, ex ipso con-

COMMENTATIUNCULA.

concurſu cauſarum moventium legitimè enatis: quamvis in re ipſa, ſeu in ipſo vero motu Luna nulli ſint circuli perfecti.

Hac eſt ergò Hypotheſis Luna, nova quidem, ſi priorum Artificum Hypotheſes reſpicias, ex Circulis Eccentricis, concentricis, Epicyclisq; compoſitas; non nova, ſi compares cum Planetis cæteris, qui ſuos Eccentricos ſic ordinant circa Solem: non etiam nova Terrentio, ſi tempus annorum 26, quod ego, ipſo adhuc nobiſcum in Europa verſante, in his ſpeculationibus inſumpſi, in conſiderationem adduxerit. Pergit P. Terrentius.

Non dubito prodiſſe Keppleri Hipparchum.] Prodiit, ſi effectum reſpicias, in Tabb. Rudolphi, præſertim in allegatis folijs, in Parallaxibus ſci. Solis & Luna, ſemidiametrisq; Umbrae, & præceptis eas formandi: non prodiit, ſi demonſtrationes deſideres. Sed proxima erit editio, ſi vitam DEVS conceſſerit. Præcipuam partem occupabit Sciametria, quæ conſtat demonſtrationibus Geometricis jucundiſſimis, quibus quantitas diametri umbræ, cum parallaxibus Solis & Luna, & ſemidiametro Solis, artius connectitur; quod hæcenus fuit neglectum, ab artiſtibus.

A Yao rege famoſo incipiunt ſuas hiftorias Sinæ; a quo numerant annorum fere 4000.] Tantundem nos à diluvio. Et quid ſi hic ſit Ion, vel Javan, vel Perſicâ pronunciatione apud Ariſtophanem, IAON, Iapeti filius, cujus poſteri navibus delati, ut mari Ionio in Insulas Gentium, ſeu Europam, ſic etiam mari Rubro & ſinu Perſico, in Indias & Sinas. Pauca illa, quæ de Temporibus & æris Indorum habemus apud Scaligerum, ſapiunt originem Syriacam, Damascenam, Arabicam. Eſt ſcio, veriſimilius originem Sinarum vel à Semo derivari (per Arbaxadum & Jectanem fratrem Hebræi; ut cujus numeroſi filij, uſq; ad Sapphyrum Montem Oriētis locantur.

IN R. P. TERRENTII EPISTOLIVM

Fortè Emodi montes aut Imaus, ab Elmodad cognominati, ubi
Tao possit esse Iobab) vel à Japheti filijs Magog, Madai, Mesech
vel Thubal, quia ab hoc Tartari, Sinarum contermini ad Septen-
trionem.

Numerant procedendo per Cyclum 60 annorum. I
Admonet me numerus, Sosorum, quos cum Neiris & Saris, apud
Eusebium & Hesychium, & Georgium Syncellum, reperit Scali-
ger, ex Aniano, Panodoro, Apollodoro, Abydeno, & Beroso
transcriptos. Sarus dicitur habere 3600. annos, Nirus 600.
Sofus 60; Temporum vocabula Chaldaica. Eusebius fabulosa
putavit omnia, ut Georgius Syncellus perhibet in ejus defen-
sione: Anianus & Panodorus subtilitate usi, sperarunt se ad
veritatis confinia Berosi narrationes adducturos, si anni voca-
bulo diem intelligerent. Ita Sarus esset dierum 3600. tempus
paulò minus quàm 10 annorum, Nirus dierum 600, seu 20 Mē-
sum Ægyptiacorum, Sofus dierum 60, seu bimestre tempus.
Scaliger Isag. Can. fol. 248. tres Saros creat, vnum maxi-
mum, 3600. annorum, seu 30 Sarorum Periodicorum, quorum
quilibet 120. sit annorum, quanto tempore ex diebus intercalarijs
conflatur vnus Mensis; & Sarum minimum, dierum 30. De
duobus minoribus auctoritatem allegat nullam: allegat verò
linguam Chaldaicam, in qua & Luna, quæ 30 diebus circum-
it, & Mensis, totidem dierum, vocentur SARA, ut Arabibus Sahar
vel Schehar. Transfuisse deinde vocem illos, ad similem colle-
ctionem, triginta non dierum, sed quadrienniorum, in vnā pe-
riodum 120. annorum; & deniq; ad aliam tricēariam collectionem
Periodorum in Sarum maximum.

Quicquid sit vel rationis, vel auctoritatis; accedere, saltem
his Sosis, videtur aliqua jã verisimilitudo ex relatione P. Terren-
tij, de Sinarum Cyclis. Post Chaldaeos enim sunt Indi, post Indos
Sina. Et memorabile est, Indis in usu esse annorum Dodeca-
das.

COMMENTATI^o NEVL^a

das, cūm Cylus annorum 60 habeat dodecadas quinque. Sed Dodecades, causā (seu superstitione potius) nituntur Astrologi- cā: qualis est in capite Astrologia, de Profectionibus Annis. Sexagenarij Cylci causa videtur sola concinnitas arithmetica, non motus caelestes. Nam Epacta Julianorum 60. Tabb. Rud. fol. 99. est D. 3. H. 7. 12'. 39". 54". 19". Ergo anni 60 sunt tres Cylci Metonici & triennium. Hac viā non alludit Luna ad Sexagenarium annorum numerum. Sunt quidem in annis 59, menses 730. Cylcus Pythagorae & Oenopida Chij: sed desunt totidem tropicis, dies circiter 7. Et 59. non sunt 60. Possemus quidem illos 23 dies intercalarios, in annis 3000. omittendos, posse- mus inquam sic illos distribuere in sexagenarios Cylcos, seu So- sos; ut currerent alternis pleni & diminuti suo intercalario ul- timo, vsq; in 13mum ter, & semel in 11mum. Ut hic.

120	120	120	120	At non est verisimile, Sinas ob interca- lariorum omissionem ex anno Juliano, Cyclum excogitasse annorum 60. 120. vel 180. Equabilior etiam fit annus tropicus, si in tercaletur lege solutā à Cycli brevis rationi- bus, ut suprā dictum.
120	120	120	120	
120	120	120	120	
120	120	120	120	
120	120	120	180	
180	180	180		

Eo tempore obseruarunt Solstitium prope cuspidem Sagittarii, non memini gradus: ita vt iam hucusque pro- cesserit vltra 52. gradus: congruit multum cum Tycho- nicis.] Primum de motu precessionis Aequinoctiorum, verum est, Tabb. Rud. fol. 43. annis 4000. competere 56. 40'. 11". Secun- dō de processione, confirmatur lapsus memoria initio notatus; A- quinoctia & Solstitia non processerunt sub fixis, sed processerunt. In Cuspide Sagittae stella, Tabb. fol. 111. & 116. fuit anno 1600. in 25. 30'. Sagittarij. Si Sol apud hanc stellam confecisset solstitium hybernum ante annos 4000: hodie conficeret id, existens apud

IN R. P. TERRENTII EPISTOLARUM

Fixas in 30 Libras, scilicet apud fimbriam Virginis. Non est igitur aliqua fixa ex Constellatione Sagittarij hic intelligenda. Tertiò ergò perpendatur, quid sit Sinus, Cuspis Sagittarij? Cuspis est extremum punctum Sagittae: quid si hic sit, Extremitas hujus Dodecatemorij? Et tunc semper hoc verum est, & omnibus saeculis, quòd Sol versans in extremitate Sagittarij, seu ut nos, in principio Capricorni, conficiat solstitium: hoc est, quòd illud sit habendum pro fine Sagittarij, in quo Sol existens, conficit solstitium humile. Confirmat meam interpretationem, quòd P. Terrentius dicit, se non meminisse gradus. Procul dubio non invenit additum numerum. Nam eo ipso, quòd Cuspis, seu Exitus nominatur, tricesimus signi gradus intelligitur. Quarto diligenter perpendatur, quomodo observaverint. Stella certè nequit observari, apud quam Sol consistit. Forsitan igitur haec non est observatio, sed computatio retrò extensa. Nam ipsa celebratio imaginis Sagittarij, multò recentior videtur: tribuitq; eam & Arietis imaginem Plinius Cleostrato, & maximam signi declinationem Diogenes Laërtius, vni Philosophorum, fallor an Anaximandro? paucis ante Christum saeculis.

Paulo post tempora Yao notatur insignis Eclipsis, quæ dicitur contigisse in 2. Gr. Scorpii. Annū dant: nescio an et hora, et magnitudo sciatur.] Dico, quæ prius, Imaginatio Scorpii, Observatio & adscriptio Eclipsis, res sunt posteriorum saeculorum. Itaq; puto hanc Eclipsin esse ex calculo illorum, retrò extenso. Aliàs, si vera observatio esset, si annus certus adderetur, præstantissimum esset antiquitatis monumentum, ab annis 4000; cum antiquiores nō supersint nobis, quàm ab annis 2300. Facile discerneretur per locum 2 Scorpii, Solis esset an Luna.

Fractiones in quantitate anni circa tempora Yao diligenter adhibuerunt.] Amplius confirmor de calculi illorum extensione in antecedentia tempora. Nam fractiones in quantita-

COMMENTATIVNCELA.

ritate anni, nequeunt cognosci statim in principio temporis obser-
vatorij: requiruntur enim multa secula, prius quam hæ fractio-
nes addiscantur. Interim si assueverunt, Fractiones anni adhi-
bere; benè est; grata erit ipsis hæc ex Tab. Rudolphi fractio

727	1454	2181	Int.	2908	635	1362	2089	Int.	2816	545	3361
3000	3000	3000		3000	3000	3000	3000		3000	3000	3000

ubi 2181, & 2089. superant 1500. excessu minori quàm 727; sunt
igitur intercalarij.

Nuper vidi problemata Geometrica 15, quæ superant
3000 Annos.] Esto, Euclides ante 1900. annos collectorem egit
problematum, seu Theorematum antiquitatis notorum. Confirma-
mur igitur, Sinas originem ab Ionibus ducere; mari quippè Ru-
bro vel Persico delatos in Orientis Insulas, indeq; in vicinam con-
tinentem.

In iis primum est, penultima primi.] cujus tamen in-
venti gratiam Græcus ille de astro suo habuit, Hecatombæ in vi-
cem Bove immolata.

Zodiacum dividunt in 28 Constellationes.] Arabum
mos, qui, Mansiones, eas appellant, Luna; nec enim alia causa nu-
meri, quàm motus Luna periodicus, tot dierum.

Scorpium vocant Draconem, Caniculam Lupum,
Capricornum Bovem.] Videatur Azophi Arabs, sicubi su-
perest. Exemplar enim ab Apiano promissum, conflagravit In-
golstadij, in adibus Angermarianis. Mirum, nisi tota Sinensis a-
strorum disciplina, sit à recentioribus Arabibus transumpta.

Stellam posteriorem Vrsæ minoris vocant Regem,
quia olim erat prope polum immobilis, quam reliquæ o-
mnes venerabantur.] Si hæc P. Terrentius ipse, persistit in
hallucinatione superiori. Imò nunquàm propior fuit hæc stella

polo

Ingrata
posteritas

IN R. P. TERRENTII EPISTOLARUM

polo mundi, quàm hodie: sin traditio est Sinarum, arguit nuperam apud ipsos notitiam. Scripsit Pytheas Massilius ante Hipparchi tempora; locum, in quo polus mundi stellis esse vacuum; circumstare eminùs tres stellulas, quæ cum loco poli, quadrilaterum efforment.


In suo computo non errant ultra 2 aut 3 quadrantes, quod mirum in 4000. annis non plus variasse.] Considerandum, jactentne hoc Sineses, an de quarundam Eclipsium experientia loquatur ipse P. Terrentius. Si illi; probent igitur prius fidem historiarum & observationum suarum, habitarum ante 4000. annos. Nam supra suspicatus sum, Eclipses illas esse ex calculo retrò extenso. Sin iste; meminerit, à consensu paucarum presentis temporis in Capricorno vel Cancro, non sequi ad consensum in Ariete & Libra; quod probatur exemplo calculi Pruthenici & Alfonsoinorum: multò minùs ad consensum Eclipsium antiquissimarum.

Ex Changtscheu.] Paulò seriùs copia mihi fuit hujus Epistola facta, cum in Tab. Rudolphi, Catalogus locorum typis jam esset expressus: comparassem enim, si tempore accepissem, literaturam hanc Changtscheu Terrentij, cum Chanzoy Chryso-cocca, Xiancii Karij, Quianci Jansonij, & Quinfai, M. Pauli Veneti. Communicet verò nobiscum P. Terrentius altitudinem Poli illius loci, aut altitudinem Solis exactam in certa meridie, & Eclipsin vel unicam, astronomicè illic observatam; communicet & consuetudines gentis, in dispositione dierum anni, quid statum & fixum habeant, quid vagum & mobile esse patiantur; quodnam anni caput observent, certumne sidus anni, an vagum initium, ut Sarraceni: & juvabimus ipsum in typo anni conformando, qui & cælo respondeat, & Sinis acceptus sit; denique in persuadendis Genti legibus non Calendarij tantum nostri,

*nostri, sed totius etiam jugi suavis Christianismi. Quod ratum
esset vellet is, cui PATER aternus gentes in hereditatem dedit,
CHRISTVS JESVS, DEVS & homo, DOMINVS q̄, no-
ster, Amen.*

Per scriptum, Ratisbona Mense Decembri

ANNO M. DC. XXVII.



APPENDIX.

QVia Ephemeris motuum coelestium in annum hunc
M. DC. XXX. edi nondum potuit: non ingratus me facturum putavi stu-
diosis Astronomis: si ex descriptione Eclipsis Solis insignis, quam visuri
sumus die 10. Iunii Gregoriani, apotelesmata calculi Rudolphi hunc Comen-
tatiuncula subjungerem, eisque folium vacans expletur.

Igitur die jam dicta, quando Vraniburgi, Ambergæ, Romæ numerabitur a
Meridie Hora 3.49'. Sol in Oceano Australi Californiæ, tunc demum oriens,
incipiet deficere a dextris infra: sub alt. Poli Borei 13. et Meridião, qui Gr. 151.
distat a b Vraniburgico in Occasum.

Ab hoc temporis momento Sol occidentalioribus locis orietur magis ma-
gisque tectus: nisi quod quolibet momento duo sunt loci, ubi Sol in ipso prin-
cipio defectus oritur, vnus australior, alter septentrionalior.

Hoc incrementum defectus in oriente Sole, durat vsque ad horam Vraní-
burgicam 4.56'. a Meridie: tunc Sol, totus post Lunam reconditus, orietur in eo-
dem Oceano, sub alt. Poli Borei 25, et Meridiano, qui Gr. 174. distat in Occa-
sum, descendens quasi a Sierra Nevada. Locis orientalioribus et Novæ Hispa-
niæ vicinis, Sol jam alte incedens, deficiet ex parte.

Post id momentū iam sequuntur loca vltius versus Occasum, quibus Sol
in aliquo defectu oritur, sed eo jam deefcente: et hæc loca successive spargun-
tur in Septentrionem. Estque eorum vnus in Zona frigida, sub Meridiani, qui
per Terram Laboratoris ducitur. semicirculo opposito: cui Sol in ipso medio
durationis omnimodæ, Horizontem stringens in ipsa media nocte, deficit 3. di-
gitis ab Austro.

At in Terra Laboratoris, sub alt. P. Borei Gr. 60. centum et vno gradi-
bus in Occasum ab Vraniburgo, Sol in ipso Nonagesimo gradu ab ortu, scilicet in
19.36'. 14". II. totus deficiet elevatus 52½ gradibus: eo momento, quo Vraní-
burgi erit hora 6.26. post meridiem.

Hæc mera nox ad 22 millia Germanica porrigetur in diametro defe-
ctus

APPENDIX.

etus vero Solis septentrionalis, eodem gradu oriente, scilicet toto tractu America septentrionalis, usque infra Virginiam et Floridam.

Pergens autem hæc nox mera, seu umbra Lunæ, per terram Cortereal, et per Oceanum Septentrionalem, descendit in Cantabricum et Britannicum; tractaque Gallia et Pyrenæo, ultimis Catalaunis, inque sinu Narbonensi et Massyliensi Sole occidente, terras deserit; quando Vraniburgi numerabitur Hora 7. 57'. Hoc itinere magnum Solis defectum importat toti Europæ; Meridionalem quidem Scotiæ, Angliæ, Daniæ, Germaniæ et Galliæ citeriori; Septentrionalem vero Hispaniæ, et Africa.

Ante hoc momentum loca orientalia Solem videbunt occumbere in defectu adhuc crescente.

Et *Et brevis sim; Vienna Austria sedes Imperatoris, Domini mei, Hora 6. 48'. Vraniburgica, quæ Vienna numerabitur Hora 7. 13'. Videbit initium inter partem dextram et imam. Post 4. 2' seu tres hora quadrantes, Sol occidet, paulo ante maximam obscurationem. Menisco seu cornu lucido cernuo, sed sinistra parte humiliori; Lincii dextra parte humiliori; penes nos Sagani quæ proxime erecto, sed serius, Hora nobis 8. 10. appareri; at Versus Rhenū supino et reclinato Versus dextrā superiori acumine. Et Vienna quidem occumbet ante medium, quantitate Digitorum 8²; Lincii vero pene sub ipsum medium, digitorum plus quam decem; Sagani denique post medium, iam decrescens, cum adhuc recti erant digiti 7. 3. quorū in maxima obscuratione fuerant 9².*

Versus Rhenum et in Gallia poterit fortassis effulgere Mercurius in fine II: prope pedes huius imaginis.

Pro locis Terrarum singulis seruiant schemata mihi scripta, iucundissimo exercitio manuario, per regulam et circulum, si cui et lubido et otium, ad inquirendum compendiose, quicumque locus terrarum, quocumque momento durationis omnimoda, an, et quot digitis, et in qua Solis altitudine, seu qua diei hora, Solem visurus sit deficientem; et id, crescente defectu, an decrescente. Sed heus Vos! sint vobis, pro Circino, Ratio; pro Regula, Lex Dei; pro Disco terra, a Sole illuminata, Gratia Dei; pro Umbra Luna, Peccata proprias pro Penumbra Participatio de peccatis alienis. Agite, matimini singuli; et si lubet, Prognostica etiam scribite, pro se quisque, suæque patria et mansionis.

Astrologi speculabuntur Martem cum corde ☿, ex domo Mortis sextili Luminaria aspicientem, et Romam Leoni subiectam, et signum Deliqui bicorporeū, et Mercurium dominū signi in domo propria, in Sextili Saturni electari in medio coeli; et anno 1415, die 6 Iunij simile Eclipsin in Europa, sed matutinam; qui ex hisce principiis ad specialia magis descendere, facilius sibi esse credent, quam tutius. Comparet vero quisque ea, quæ sub manibus iam nunc versantur. DEVS nos adiuvet.

15. Ianuarii 1630.

FINIS.



Ame-

lis, et

tra-

Maf-

Ho-

ridio-

pten-

n de-

Hora

inter

paulo

par-

recto,

er sus

titia-

n de-

ligiti

fino

ssimo

d in-

du-

dici

ente,

erra,

bra


gno-

mi-

u, et

ueli

hif-



Biblioteka Jagiellońska



stdr0010738

